

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. II. An inæqualitas intensiva quæ est in visionibus beatificis, à sola inæqualitate luminis gloriæ derivetur?

[urn:nbn:de:hbz:466:1-77132](#)

DISPUTATIO QVARTA

156

§. I.

Vera sententia statuitur.

nis est illi cum inanimatis: Ergo non influit in A visionem beatificam, ratione potentia obedientialis.

Confirmatur primo: Intellectus Angeli influit in visionem, ut vitalis est: Sed non est vitalis ratione potentia obedientialis: Ergo &c.

Confirmatur secundo: Visio beatifica essentialiter perit procedere à potentia intellectiva: At non habet quod sit intellectiva, ratione potentia obedientialis, sed ratione essentia potentia naturalis: Ergo ab illa, non sub prima, sed sub hac secunda ratione, essentialiter procedit.

Ad instantiam, concessa Majori, nego Minorem: nam licet potentia obedientialis pure passiva, & activa solum instrumentaliter, sit ejusdem rationis in Angelo & ceteris inanimatis; potentia tamen obedientialis mediata activa, vitaliter competens intellectui angelico & humano, non est ejusdem rationis cum potentia obedientialis convenienter inanimatis, & illa est quam respicit visio beatifica.

Ad primam confirmationem nego Minorem: cum enim haec potentia sit mediata activa ab intrinseco, & immediate recipiat formam supernaturalem vitalem, scilicet lumen gloriae, & a ceterum vitalem mediata, nempe visionem beatificam, non potest non esse vitalis.

Ad secundam nego etiam Minorem, nam sicut intellectus ratione facultatis naturalis, est intellectus naturaliter, ita ratione obedientialis est intellectus obedientialiter, non immediata, sed mediata.

ARTICULUS II.

An inaequalitas intensiva, que est in visionibus beatificis, à sola inaequalitate luminis gloriae derivetur?

V certum & indubitatum supponimus, visiones beatificas sive hominum, sive Angelorum, esse inter se inaequales, ac diversas, quantum ad perfectionem accidentalem intensivam, vel extensivam, ut constat ex illo Ioan. 14. In domo Patri mei mansiones multe sunt, & ex isto Apostoli: ad Corin. h. 15. Scilla differt à stellā in claritate. Ubi loquitur Apostolus de inaequali gloria corporum in resurrectione, quæ cum à gloria essentiā profluat, haec debet esse inaequalis, sicut & illa.

Ratio etiam id suadet: Nam gloria proponitur ut bravium, merces, & corona iustitiae: Sed ad iustum remuneratorem spectat ut pro inaequalibus meritis, inaequalia præmia concedat: Ergo in beatis, iuxta meritorum diversitatem, gloria, seu visio beatifica inaequalis est. Quod Christus multis parabolis declaravit, præsertim parabolâ frumenti, quod cadens in terram bonam, aliud fecit fructum centelimum, aliud sexagatinum, & aliud trigatinum; & Concilium Florentinum in litteris unionis clare expressit, cum dixit, quod iuxta meritorum diversitatem, unus alius perfectius videt essentiam divinam. Inquirimus ergo in praesenti unde oriatur inaequalitas illa intensiva, vel extensiva, quæ in visione beatifica reperitur; an à solo lumine gloriae, vel etiam à naturali perfectione intellectus creati: ita ut intellectus perspicacior, cum æquali lumine gloriae, clarius videat divinam essentiam, quam minus perspicax?

Dico breviter, totam inaequalitatem visionis esse proxime reducendam in solam lumen gloriarum inaequalitatem; nullatenus vero in naturalem intellectus creati perspicaciam & activitatem. Est contra: cotum in 3. dist. 12. quæst. 3. Durandum ibidem dist. 14. quæst. 1. Molinum hic art. 6. disp. 2. & Caietanum. 3. parte quæst. 10. art. 4. ad 2. ubi affirmat, quod si Verbum Divinum assumpsiisset naturam Angelicam, cum lumine gloriae, quod nunc habet in humana natura, perfectius videret Deum, quam nunc videret.

B Nostra tamen conclusio communis est apud Discipulos D. Thomæ, & colligitur ex S. Doctori hinc art. 6. afferente, quod facultas videndi Deum non competit intellectui creato secundum suam naturam, sed per lumen gloriae: unde intellectus plus participans de lumine gloriae, perfectius Deum videbit. Et ibidem in resp. ad 3. Diversitas videndi Deum erit per diversas facultates intellectus, non quidem naturalem, sed gloriosam. Et art. 7. In tantum (inquit) intellectus creatus divinam essentiam perfectius, vel minus perfectè cognoscit, inquantum majori vel minori lumine gloriae perfunditur.

C Probatur etiam conclusio ratione fundamentali. Inaequalitas quæ in visione beatifica reperitur, reduci debet in virtutem proximam, & immediatam; non autem in radicalem, & remotam: nam ista non agit nisi iuxta proportionem virtutis proximæ, & ut per illam elevata: Sed lumen gloriae est virtus proximæ, & immediata influens in visionem beatificam; intellectus autem in eam influit radicaliter tantum, & remotè, & ut elevatus per lumen gloriae, ut confitat ex supra dictis: Ergo inaequalitas visionis beatifica, in lumen gloriae, & non in perfectionem, & perspicaciam naturalem intellectus creati reducenda est.

D Confirmatur, & magis illustratur haec ratio. Licet in intellectibus angelicis, vel humanis reperiatur diversitas, & inaequalitas in perfectione naturali, illa tamen per accidens, & materialiter se habet ad visionem beatificam; quia intellectus creatus non influit immediata in illam ratione potentia, & activitatis naturalis, sed tantum ratione potentia obedientialis radicalis & remotæ, quæ est æqualis in omni intellectu creato: haec enim (ut in 1. disputatione declaravimus) fundatur in summa amplitudine, & universalitate, quæ natura intellectualis respicit ens ut sic, analogice commune Deo & creaturis; quæ universalitas æqualiter convenit omni intellectui creato.

E Confirmatur amplius: Major activitas intellectus cum sit aliquid ordinis naturalis, est beneficium naturæ non gratia, & à Deo creatore, non à Deo glorificatore procedens: Ergo ratio illius non augetur gloria, & visio beatifica in beatis, sed solum ratione luminis gloriae.

F Probatur secundo: Inaequalitas visionis beatifica proponit ex eo, quod divina essentia magis vel minus perfectè uniatur intellectui creato, in ratione speciei intelligibilis: Sed quod essentia divina, in ratione forma & speciei intelligibilis, magis vel minus perfectè uniatur intellectui creato, provenit ex majori vel minori intentione luminis gloriae, cum illud sit ultima dispositio ad talem unionem, ut supra ostendimus;

mus; non verò ex majori, vel minori perfectione naturali intellectus creati: Ergo inaequalitas visionis beatæ solùm provenit ex inaequalitate luminis gloriae.

Denique probatur conclusio ex absurdo & inconvenienti, quod sequitur ex opposita sententia. Si inaequalitas visionis peteretur à perfectione naturali intellectus creati, daretur aliquis gradus beatitudinis, qui non corresponte ret meritis, & gratia, sed tantum natura. Item unus homo, vel Angelus beatus, per sua natura lilia se discerneret in supernaturalibus, ab alio minus beato: At hæc sunt falsa, & absurdia, & sapientia heresim Pelagi: Ergo &c. Sequela Majoris probatur: Ponatur enim unus intellectus, naturaliter perfectior alio duobus gradibus, & quod ueroque habeat lumen gloriae ut sex, iuxta sua merita, & iuxta mensuram gratiae & charitatis quam habuit in via: in tali casu intellectus naturaliter perfectior videbit Deum, v.g. ut de cem, & aliis minus perfectis videbit tantum ut oculo: Ergo in tali casu, hi duo gradus gloriae, quibus gaudebit ille qui perfectior, & perspicaciōri pollet intellectu, non corresponebunt lumini gloriae, nec proinde meritis, aut gratiae, & charitatis sed in solam perfectionem naturalem intellectus creati reducentur: & sic unus homo, vel Angelus magis beatus, per sua natura lilia se discerneret in supernaturalibus ab alio minus beato.

Respondet Molina, negando sequelam Majoris quia, inquit, in tali casu, vel non dabitur tantum luminis gloriae illi, qui perspicaciōri pollet intellectu: vel si tantum luminis gloriae ei conferatur, non dabitur illi æquale auxilium supernaturale ad videndum Deum, ac alteri habenti æqualia merita, & intellectum minus perfectum.

Sed hæc responsio videtur absurda: Cum enim lumen gloriae detur iuxta proportionem meritorum, & iuxta mensuram gratiae, & charitatis quam homo habuit in instanti mortis, si ille qui perfectiori pollet intellectu, habeat æqualia merita, & gratiam seu charitatem æqualiter intensam, ac alter qui minus perfectum habet intellectum, certum est quod æquale lumen gloriae iphi conferetur (ut enim dicit S. Thomas hic art. 6. plus participabit de lumine gloriae, qui plus habet de charitate) alioquin ille esset deterioris conditionis in supernaturalibus, & privaretur re sibi debito de condigno; quod est omnino absurdum, & ordini divinæ justitiae planè repugnans.

Illud etiam quod addit, nempe quod si lumen gloriae æquè intensum ei concedatur, non dabatur illi æquale auxilium ad videndum Deum, ac alteri qui minus perfectum ac perspicacem intellectum sortitus est, omni probabilitate caret; cum enim beato habenti æquale lumen gloriae, æquale debeatur auxilium ad videndum Deum, filie qui perfectiori pollet intellectu, habeat æquale lumen gloriae ac alter, habebit etiam par & æquale auxilium: alioquin, ut dicebamus, frustraretur aliquo sibi debito. Imò sicut si Deus ab igne subtraheret aliquid sui concursus naturalis, ut non calefaceret secundum totam suam virtutem & activitatem, esset miraculum; ita si ab intellectu lumine gloriae illustrato, qui quasi per modum naturæ agit, subtraheret aliquid sui concursus supernaturalis, ne secundum totam suam virtutem quam habet à lumine gloriae,

A Deum videret, miraculum esset, cujus tamen nulla apparer necessitas, vel utilitas.

S. 11.

Solvuntur objections.

Objicies primò cum Cajetano: D. Thomas 3. p. quæst. 10. art. 4. ad 2. docet gradus visionis divine magis attendi secundum ordinem gratiae, quam secundum ordinem naturæ. Sentit ergo secundum utrumque ordinem attendi, ac proinde pari existente lumine gloriae, perfectiore esse visionem Dei, si perfectior fuerit intellectus.

B Respondeo quod quando D. Thomas dicit gradus visionis divine magis attendi &c. ly magis non sumitur comparativè, sed exclusivè; ita ut idem significet ac potius. Sicut cum Paulus ad Hebreos 11. dicit de Moysi, Magis eligens affligi cum populo Dei, quam temporali peccati habere iucunditatem. Hanc solutionem approbat & rectè explicat Suares in commentario illius articuli 4. quæstionis decima tercia partis; unde placet ejus verba hic referre & transcribere. Sic ergo ait: Quæ Cajetanus docet in solutione ad secundum & tertium, cavenda sunt & corrigendas; nam non solum falsa sunt, sed etiam contra expressam mentem D. Thoma. In solutione enim ad 2. cit D. Thomas gradus perfectionis in divina visione, magis attendens esse secundum ordinem gratiae, quam secundum ordinem naturæ: unde insert Cajetanus ex utroque capite oriri, ut una visio sit perfectior alia, atque adeo perfectiore intellectum cum eodem lumine perfectius videre Deum. Sed quidquid sit de re (quam ego sine dubio falsam existimo) in hac littera D. Thomas nullum habet fundamentum, sed ex illa potius contrarium non obscurè colligitur, si argumenti intentio consideretur, & rectè applicetur solutionis. Argumentum enim contendebat, Angelum perfectius videre Deum, quam animam Christi, quia habet perfectiorem intellectum. Respondet D. Thomas, nego consequentiam, & rationem reddit, quia illa visio est supra naturalem perfectionem potentia creata. Intendit ergo concludere, perfectionem visionis non esse ex naturali perfectione potentia, sed ex supernaturali; unde illa particula magis non sumitur in illo sensu comparativo, ut Cajetanus exponi, sed ut idem significat quod potius; & ita non affirmat utrumque extremum, sed alterum negat.

D Objicies secundo. Quando duas causas concurrunt ad eundem effectum, ille crescit in perfectione, quando aliqua illarum crescit in virtute, & activitate: Sed ad visionem beatam, non solum lumen gloriae, verum etiam intellectus creatus, efficienter concurrit: Ergo sicut intensius lumen, ita & perfectior ac perspicacior intellectus, perfectiorem efficit visionem. Minor constat ex suprà dictis: Major autem variis exemplis declaratur. Nam in potentia visiva, si augatur species, vel lumen exterius in ipso medio, intenditur visio, licet non crescat acies, & virtus ipsius potentia. Item duo pictores eiusdem industria, cum inæquali penicillo: vel duo inæquali industria, cum inæquali instrumento, diversa perfectionis producent effectum: Ergo quando duas causas concurrunt ad eundem effectum, ille crescit in perfectione, quando aliqua illarum crescit in virtute & activitate.

Confirmatur primò: Intellectus magis perfectus, cum eodem habitu fidei, elicit actum fidei perfectiorem; & perfectior voluntas, cum

DISPV TATIO QVARTA

ARTICULUS III.

An Beati Deum comprehendant, vel saltem,
de potentia absoluta ipsum comprehen-
dere possint?

§. I.

Quibusdam, primitu referuntur sententie.

PRO resolutione hujus difficultatis diligenter
observandum est, nomen comprehensionis
ex comprehensione corporae fuisse ad spiritua-
lem translatum: Unde sicut in rebus corporis
comprehensio sumitur duplitter, vel large,
prout opponitur insecuri: quo sensu, quando
quis latronem quem insecurit: apprehendit &
capit, et si non totum teneat, sed partem, ipsum
dicitur comprehendere: vel stricte, pro inclusio-
ne & continentia, quā unum corpus quantum
continet intra se totum aliud corpus; ut cū
manni ita continet totum aliquem globum, ut
nihil ejus sit extra illam. Ita similiter in rebus
spiritualibus comprehensionis duobus modis usu-
pari solet, primò large & impropriè, pro affectu-
tione & obtentione seu possessione ejus quod
desiderabatur, ut constat ex illo Apostoli. ad
Corinth: 9. Sic currite ut comprehendatis, & ex illo
ad Philipp: 3. Sequor autem si quomodo comprehen-
dam. Et in hoc sensu beati appellantur comprehen-
sores. Et Nazianzenus orat. 24. dixit, Com-
prehensionem divine essentia, premium esse omnium
beatorum. Et hoc modo (ut observat D. Thomas
hic art. 7. ad 1.) comprehensionis est una de tribus
dotibus anima, quā respondet spei, sicut visio
fidei, & fructu charitati. Secundò sumitur com-
prehensio strictè & propriè, pro cognitione ob-
jecti unde quaque perfecta, id est adquata cum
objecti cognoscibilitate, per quam objectum
cognoscitur, quantum cognoscibile est. Et de
comprehensione sic accepta loquimur in pre-
senti, dum requirimus, an Beati Deum compre-
hendant, vel saltem de potentia absoluta ipsum
comprehendere possint?

In cuius difficultatis resolutione: In primis est
error Eunomii, & aliorum Anomæorum, qui (ut
suprà ostendimus) eo dementia perseverunt,
ut comprehendant Dei cognitionem sibi ar-
garent, & tantam Dei notitiam quantam Deus de
seipso habet, se habere jactarent. Secundò est
error Augustini de Roma, Episcopi Nazareni,
qui asserebat animam Christi videre Deum tam
clare & intense, sicut Deus ipse seipsum, quod est
ipsum comprehendere. Tertiò est aliorum
Theologorum sententia, qui licet beatos Deum
de fide non comprehendere fateantur, existi-
mant tamen de absoluta potentia fieri posse,
quod comprehendatur Deus, vel aliquod ejus
attributum, ab aliqua creatura: quia (inquit)
potest Deus infundere ipsi lumen gloriae infinite
intensum, vel siam intellectionem ei unire; in
quibus casibus ab intellectu creato comprehendan-
deretur. Huius sententia favet Vazquez hic tota
disp. 52. ubi respondens locis Scriptura, Conci-
liorum, & Patrum, quibus incomprehensibili-
tas Dei ostenditur, affirmit non esse de fide quod
Deus sit incomprehensibilis in ordine ad abso-
lutam Dei potentiam, sed solum quod sit in-
comprehensibilis, respectu cognitionis natura-
lis creaturae; sicut Deus dicitur in Scriptura invi-
sibilis, & ineffabilis: tamen constat quod solum
est invisibilis cognitioni naturali, non vero su-
pernaturali, & beatificæ.

§. II.

cum eodem habitu charitatis, & spei, producit A
actus intensiores, & perfectiores illarum virtu-
tum, quam alia minus perfecta: Ergo similiter, in
intellectus perspicacior, cum æquali lumine glo-
riae, perfectius Deum videbit, quam alter qui est
minoris perspicacit, & activitatis.

Confirmatus secundò: Intellectus perfectior,
cum æquali lumine gloriae, potest magis vel mi-
nus perfectè conari ad actum: Ergo & elicere
perfectiorem visionem. Consequentia videtur
manifesta, Antecedens probatur. Habitus subor-
dinantur conatur potentiae, & ab illa applican-
tur ad agendum: Ergo intellectus perfectior,
cum æquali lumine gloriae, potest magis vel
minus perfectè conari ad actum.

20. Ad objectionem patet solutio ex supra dictis:
Major enim est vera, quando causa perfectior
influit per se ut perfectior, vel ut habet virtu-
tem proximam & immediatam in effectum; se-
cùs autem quando concurrit tantum secundum
virtutem radicalem, & major ejus perfectio
materialiter se habet, & per accidens, ut con-
tingit in proposito. Unde patet disparitas ad ex-
empla adduta: Nam species, & lumen, proxi-
mè & immediate influunt in visionem, & ha-
bent vim proximam ad agendum, saltem par-
tiale & incompletam. Idem servat proportione-
tis de pictoribus in æquali industria, vel in
æqualibus instrumentis utentibus, dicendum
est. Intellectus autem creatus, solum radicaliter
concurrit ad visionem beatam, nec confert
seorsum a civitate & virtutem proximam ad
agendum, sed siam quam habet, subiectum lumi-
ni gloriae, ut elevabilem ab ipso; sicut reddi-
tur una tanquam virtus proportionata, & proxi-
ma ad visionem.

21. Ad primam confirmationem dicendum, in
actu fidei duo esse distingenda; primum est ap-
prehensio objecti creditibilis: secundum assensus
supernaturalis, quo homo credit mysteriis re-
velatis. Primus actus est naturalis, ac proinde
potest esse perfectior in perfectiori intellectu.
Secundus vero est supernaturalis, unde non
commensuratur perfectioni naturali intellectu,
sed intentioni, & perfectioni habitu, vel
auxiliis supernaturalis, a quo immediate proce-
dit. Nihil etiam confert naturalis perfectio vol-
untatis ad actus supernaturales speci, & chari-
tatis, sed tota etiam illorum perfectio mensu-
ratur ab intentione, & perfectione habitu, vel
auxiliis supernaturalis, eam elevantis ad ope-
randum.

22. Ad secundam confirmationem, nego Ante-
cedens, conatus enim potentiae non est aliquid
antecedens actum, sed ipse actus ut emanans à
suo principio, & ideo sicut habitu tribuitur es-
se principium actus, ita & conatus ad actum. Un-
de sicut habitus supernaturales dant potentiae
posse operari, quia dant eis virtutem, & effica-
ciam proximam; ita dant eis posse conari ad
operandum.

